



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput X. Ignorantia juris, etiam naturalis, verè invincibilis & involuntaria  
excusat in totum à peccato.

---

[urn:nbn:de:hbz:466:1-73187](#)

tionalis, secundum Ecclesiae fidem, non est mortal. Anima Christi est anima rationalis. Ergo anima Christi, secundum Ecclesiae fidem, non est mortal. Quemadmodum ergo Ecclesia, damnans hanc propositionem;

*Anima rationalis est mortal*, damnat & istam:

*Anima Christi est mortal*: sic Innocentius XI. damnando propositionem illam: *Metus gravis est causa iusta Sacramentorum administrationem simulandi*, damnavit & istam: *Metus mortis est causa iusta*, &c. Ratio tertiisque est quia particulae in universalis comprehendit, nisi excipiatur. Et idem certum est quod si Ecclesia damnasset hanc propositionem universalem: *Licetum est occidere in iustum aggressorem, pro defensione rei gravis*; damnasse conferetur & hanc: *Licetum est occidere in iustum aggressorem pro defensione vita*. Quia particulae istud, *pro defensione vita*, comprehendit in universalis illo, *pro defensione rei gravis*.

28. Ubi ergo eorum ad S. Sedem obedientia, qui propositionem Ludovici de Scildere, post damnationem illam Innocentii XI. adhuc sustinent, maximè cum Sancius, quem fecutus est Ludovicus, cuius etiam est proposicio 29. ab Innocentio XI. damnata, eam intellexerit etiam de metu mortis, ut videre est apud Diannam p. 3. tr. 2. refol. 83. ratioque propter quam Innocentius eam damnavit, satis ostendat damnatam esse, etiam secundum istum intellectum: quia scilicet exterior illa dissimulatio graviter adversatur reverentiae Sacramentis debitæ, ut bene observavit Castro-Palao to. 1. tr. 2. disp. 2. puncto 13. Sacraenta vero gravi cum irreverentia tractare, ne metus quidem mortis licitum facit.

29. Et confirmatur: quia Sacerdos in administratione Sacramentorum gerit personam Christi. In persona vero Christi ficti se gerere, est valde injuriosum Christo, estque irreverentia magna illata Sacramento.

30. Dices 1°. Ibi nullum est Sacramentum. Nulla ergo fit irreverentia Sacramento.

Nego consequiam: quia irreverentia non solum fit Sacramento quando est; sed & quando impeditur esse, ponendo partes essentiales ipsius, & faciendo ne sit, debitam intentionem subtrahendo, vel partes illas similitate ponendo. Quemadmodum iniqua humani seminis effusio damnosa est proli, non quæ est, sed quæ esset, si esse non prohiberetur, semen iniquè fundendo.

31. Dices 2°. Licitum est matrimonium ex gravi metu injuste incusso initum, tametsi Sacramentum nullum efficiatur.

Respondeo, aliud esse de matrimonio, aliud de aliis Sacramentis. Quia ex metu gravi contrahens matrimonium, non ponit materiam, neque formam pro Sacramento matrimonii à Christo institutam, legitimum utique contractum (qui tunc non fit) in aliis vero Sacramentis ponitur materia & forma à Christo instituta. Unde sententiam illam Sancii Palao

jure dicit *audaciam & temeritatem redolere*. Eam proinde temere & nimis audacter, post Innocentii XI. condemnationem, tuerit Dicodus de Oropega, seu P. de la Fontaine in *Confutatione Libelli*, &c. pag. 39.

### C A P U T IX.

*Impotencia absoluta & omnimoda, sicut & omnino involuntaria, ab omni excusai peccato: secus impotencia secundum quid, si voluntaria sit.*

Prima pars est extra controversiam: quia 32 ad impossibile nemo tenetur, nec impossibilia jubet Deus, nec jubere sua sibi bonitas, æquitas & sapientia permittit. Unde Augustinus l. 3. de lib. arb. c. 18. *Quis peccat in eo quod caverre nullo modo potest?*

Ratio secundæ partis est quia tametsi peccatum tunc non sit voluntarium & liberum in se, est tamen voluntarium & liberum in causa, scilicet in voluntaria gratia per præcedens peccatum abjectione. Cujusmodi libertas sufficit ad peccatum, quod simili peccatum est, & pena peccati; licet non sufficiat ad peccatum, quod non est pena peccati. Ad quod proinde vitandum si gratia actualis primo homini & Angelo defuisse, antequam peccarent, suæ culpæ non cecidissent, prout Augustinus dicit in l. de corrept. & grat. c. 11. his verbis: *Si Angelis & primo homini hoc adjutorium defuisse.... non usque suæ culpæ cecidissent. Adjutorium quippe defuisse, sine quo manere non possent. Aliud est modò; sequitur enim: Nunc autem quibus deest tale adjutorium, pena peccati est. Ista fusiū deducta, efficaciterque probata habes suprà l. 9.*

### C A P U T X.

*Ignorantia juris, etiam naturalis, vere invincibilis & involuntaria excusat in eorum a peccato.*

Assertio est indubitate. Tum quia peccatum 34 tunc rursum nec in se, nec in causa sua voluntarium est. Tum quia Alexander VIII. in Decreto suo anni 1690. damnavit hanc propositionem: *Tamei detur ignorantia invincibilis juris naturæ, hac in statu nature lapsa operantem ex ipsa non excusat a peccato formalí*. Et merito damnavit. Quemadmodum enim impotencia prorsus invincibilis & involuntaria a peccato excusat; ita & ignorantia, &c. Hoc enim brevissimum iene (ait Augustinus ubi suprà c. 18.) quacumque est ista causa voluntaris, si non potest ei resisti, sine peccato ei ceditur. An tanta fallacia est, ut caveri omnino non possit? Si ita est, nulla peccata sunt. Et S. Thomas 1. 2. q. 74. a. 1. ad 2. *Si defectus apprehensiva virtutis nullo modo subjaceat voluntati, non est peccatum, nec in voluntate, nec in apprehensiva virtute, sicut patet in iis quæ habent invincibilem ignorantiam.*

Ooooo 2

Tom. I.

35 Et confirmatur: quia si ignorantia invincibilis non excusat, homo aliquando ex necessitate involuntaria peccaret, v. g. perplexus, qui per errorem invincibilem existimat sibi mentendum pro salvanda vita patris sui, necessariò peccaret, quidquid demum faceret. Peccaret proinde sine libertate & potentia cavendi peccatum. Quod sine errore dici non potest.

## C A P U T XI.

*Si ignorantia juris natura hic & nunc vincibilis sit per gratia lumen (licet aliter non possit) istud vero gratia lumen alius desit in panam precedens peccati ipsius, censenda non est invincibilis, sed vincibilis, ideoque non excusat in totum à peccato.*

36 **Q**uia peccatum tunc voluntarium ac liberum est in causa, ob quam subtractum ipsis fuit gratia lumen. Peccator proinde conqueri non potest se ignorantem peccasse, sive fecisse id cuius malitiam cognoscere non potuit. Revera enim cognoscere eam potuit per gratia lumen, quod cum ipsis subtractum non fuerit, nisi culpa ipsius, ignorantia ipsius non est antecedens & involuntaria, sed consequens ac voluntaria. Quia non excusat in totum à peccato, sed solum à tanto. Ed quod ignorantia vincibilis, si non sit affectata, uti diminuit voluntarium, ita & peccatum, uti docet S. Augustinus l. 4. de Bapt. c. 5. Hoc verissimum est, longe gravius esse peccatum ejus qui sciens, quam ejus qui nesciens peccaverit. Quod & Veritas docet Luc. 12. Servus... qui non cognoverit voluntatem Domini, & fecit digna plagiis, vapulabit paucis.

## C A P U T XII.

*Ignorantia juris natura Molinistice invincibilis, cum vere sit vincibilis, non excusat in totum à peccato.*

37 **P**robatur, quia eam ignorantiam invincibilem Molinista in Scholis suis vocant, quam ceteri vincibilem censem, esseque revera vincibilem (à peccato proinde in totum non excusantem) ex dicendis apparebit. Ita proinde termino, *invincibilis*, Molinista abutuntur. Et abusus iste causa est variarum laxitatum, non sine periculo ingentis animarum stragis, nec sine præjudicio veritatis. Quid est enim ignorantia invincibilis apud Molinistas? Carentia (inquietum) omnis notitia actualis, etiam à principio voluntaria, peccatoque inducta, immo etiam si probabilior habeatur notitia legis prohibentis, dummodo non desit probabilitas, etiam minor in contrarium. Audiantur ipsi. *Ignorantia invincibilis* (ait Prestonus Anglo-Leodiensis Jesuita in Thesi anni 1680. conclus. 17.) qua sit carentia omnis notitia, tam juris naturalis, quam positivi, ex-

cusat à peccato. Quia, ut ait in Thesi anni 1682. conclus. 26. peccatur non voluntate facti (licet intrinsecè mali, ut est v. g. fornicatio) sed voluntate peccati: nam alius nesciens v. g. fornicationem esse peccatum, non voluntariè facit peccatum. *Quale tantum est... quod est contra conscientiam, ut scilicet credamus esse malum.* Qui ergo credit non esse malum quod agit, v. g. non esse malam fornicationem, pollutionem, &c. voluntariè non facit peccatum, tametsi voluntariè faciat fornicationem, pollutionem, &c. Nec dubium, quin Prestonus loquatur de carentia notitia actualis, dum requiri, ut credamus esse malum quod agimus.

Et revera eam requirunt omnes penè Societas Scriptores, aentes, quod ad peccandum formaliter necessaria est actualis reflexio, seu advertentia & cogitatio, vel saltem actualis dubium, vel scrupulus, de malitia actionis. Ita Valsquez l. 2. disp. 123. c. 2. Suarez, Lessius, Sanchez, Salas, Granadus, Filiuti, Tannerus, Amicus, Castro-Palao, de Lugo, Arriaga, Oviedo, Baunius, Hurtadus, Comptonus, Terillus, &c.

*Quidam* (ait Sanchez l. 1. in Decal. c. 16.) sententiam sufficere advertentiam virtualem, seu interpretativam, ut ignorantia, & inadvertentia, seu oblivio censetur vincibili, non appetita diligentia ad eam vincendam, nec excusat à præceptu transgressione. Appellam autem considerationem virtualem, quoniam, eis ratio actus non consideravit malitiam objecti, potuit tamen morali potentia, & delituit malitiam objecti considerare. At probabilem existimo, ad ignorantiam, inadvertentiam, seu oblivionem, sive juris, sive facti, censenda invincibilia, sufficiere ut nulla notitia, nec specialis, nec confusa, nec aliqua dubitandi ratio in universum, aut particulariter occurrat.

Quare nullum peccatum mortale in voluntatis confessu censeo, nisi cogitatio aliqua præcessit, & consideratio expressa (quam actualem vocant) malitia moralis, vel periculi, vel saltem expressa aliqua dubitatio, vel scrupulus. Itaque ut quis peccet mortaliter, debet considerare, vel opus illud esse malum, vel ibi esse malitia periculum, vel dubium, vel scrupulum saltem aliquem habere. Quod si nihil horum præcesserit, ignorantia, inadvertentia, seu oblivio censetur omnino naturalia & invincibilia. Et sic juxta hanc sententiam non satis est cognitio illa virtualis, seu interpretativa. Haec non Sanchez, referens Suarez & Valsquez. Quibus succinunt Layman l. 1. tr. 2. c. 4. n. 6. Filiuti tr. 2. c. 2. n. 371. & 376. Martinon tr. 2. disp. 21. sect. 2. n. 14. Escobar in princip. Th. Mor. exam. 2. De Rhodes disp. 2. de peccat. q. 1. sect. 1. §. 2.

*Ignorantia* itaque censetur invincibilis, atque ita excusans à peccato ex ea commisso, quando ignorantia nulla subit actualis advertentia vel consideratio ejus auferenda. Valsquez loco citato. Idque etiam initio causam culpabilem igno-